



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

PROPOSTA PLENARIA

ORDENANZA REGULADORA DO USO DAS INSTALACIÓNS CULTURAIS E DEPORTIVAS DO CONCELLO DE PONTECESO.

D. Xosé Lois Garcia Carballido, alcalde-presidente do Concello de Ponteceso, en uso das súas atribucións legalmente conferidas.

Por providencia da alcaldía do 19.06.2020 iniciouse o correspondente expediente para a aprobación do regulamento do uso das instalacións culturais e deportivas do Concello de Ponteceso, tendo en conta as novas necesidades que se plantexan, para mellorar a eficacia e eficiencia no funcionamento dos servizos e adaptalo á nova normativa.

Logo de ver o proxecto de regulamento do uso das instalacións culturais e deportivas do Concello de Ponteceso redactado polos servizos de cultura e deportes.

Logo de ver o informe xurídico de secretaría do 19.06.2020

Visto que se efectuou o trámite de consulta previa entre os días 23.06.2020 e 8.07.2020 e que durante este prazo non se presentaron alegacións ou suxerencias, conforme informe da encargada de rexistro do 9.07.2020

Tendo en conta a capacidade de autoorganización das Corporacións Locais, recoñecida polos artigos 4 e 20.3 da Lei 7/1985, do 2 de abril, reguladora das Bases do Réxime Local, 24.b) do Real Decreto 781/1986, do 18 de abril, polo que se aproba o Texto Refundido das disposicións legais vixentes en materia de Réxime Local, e 4 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, así como a Lei de administración local de Galicia, Lei 5/1997 do 22 de xullo.

Considerando o disposto nos artigos 4.1 a), 21.1, 22.2 d), 25.2, 47.1, 49, 65.2 e 70.2 da Lei 7/1985 do 2 de abril, Reguladora das Bases do Réxime Local.

Esta alcaldía propón ao Pleno da Corporación, previo ditame favorable da comisión informativa de asuntos do Pleno, a adopción do seguinte ACORDO:

PRIMEIRO.- Aprobar inicialmente a regulamento do uso das instalacións culturais e deportivas do Concello de Ponteceso, que se achega coa proposta como ANEXO

SEGUNDO.- Abrir un período de información pública durante un prazo de 30 días mediante a publicación de edictos no Boletín Oficial da Provincia e no Taboleiro de Edictos deste Concello, para que poidan presentarse reclamacións e suxestións. De non producirse alegacións, o regulamento se considerará definitivamente aprobado.



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

Ponteceso, na data que figura ao marxe.

O ALCALDE

D. Xosé Lois García Carballido



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Ponteceso (A Coruña)

ANEXO

Regulamento do uso das instalacións culturais e deportivas do Concello de Ponteceso.

PREÁMBULO

A práctica da actividade física e o deporte revélase como unha das mellores ferramentas de protección da saúde, mellora da calidade de vida e integración social do individuo.

A formación e cultura física dos cidadáns, cada vez maior, xera un incremento notable da demanda de servizos e infraestruturas deportivas de calidade no Concello de Ponteceso, motivo por o cal, a política deportiva do Concello de Ponteceso diríxese, entre outros obxectivos, cara a construción de novos equipamentos deportivos e o incremento da súa oferta de servizos de actividade física e deportiva co obxecto de facer fronte a crecente demanda dos cidadáns.

A propia Constitución Española, a través do seu artigo 43, apartado 3, recoñece a transcendencia do deporte e o dispoñer que “ os poderes públicos fomentarán a educación sanitaria, a educación física e o deporte. Así mesmo facilitarán a adecuada utilización do ocio”.

Por outra banda, o artigo 25.2 I da Lei 7/85, de 2 de abril, reguladora das bases de réxime local, sinala que os municipios exercerán en todo caso competencias en materia de promoción do deporte e instalacións deportivas e de ocupación do tempo libre.

Do mesmo xeito a Constitución de 1978 recoñece a todos os cidadáns o dereito para participar nos asuntos públicos (artículo 23) e, consecuentemente con iso, establece tamén a obriga dos poderes públicos de promover e facilitar a participación de todos os cidadáns na vida política, económica, cultural e social.

Así mesmo o artigo 25.2.m) da Lei 7/85, de dous de abril, de bases de réxime local determina como competencia municipal a promoción da cultura e equipamentos culturais.



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Ponteceso (A Coruña)

As ditas instalacións foron creadas para a protección, fomento e desenvolvemento das actividades culturais, de formación e recreativas, en xeral, a actividade cultural que pretenda exercer calquera persoa.

As instalacións deportivas municipais constitúen o equipamento básico que garante a prestación dos servizos deportivos por o Concello de Ponteceso, cuxo obxectivo fundamental é a tutela da saúde pública a través de medidas preventivas e a prestacións de servizos necesarios, así como fomentar a educación física e o deporte e facilitar a adecuada utilización do ocio.

Preténdese con este proxecto cumprir cos obxectivos arriba sinalados, co obxecto de facer fronte a crecente demanda dos cidadáns.

O proxecto de regulamento estruturase nun título preliminar, que regula as disposicións xerais, un título primeiro que recolle as normas xerais de uso das instalacións municipais, un título segundo que establece disposicións específicas e un título III que prevé o réxime sancionador.

TÍTULO PRELIMINAR. Disposicións xerais

Artigo 1º. Obxecto

Constitúe o obxecto deste regulamento establecer o funcionamento das instalacións culturais e deportivas de titularidade do Concello de Ponteceso.

Título I. Normas xerais do uso das instalacións municipais

Artigo 2º. Acceso

O acceso a estas instalacións municipais, calquera que sexa o motivo, supón a aceptación e o cumprimento das normas establecidas neste regulamento.

Artigo 3º. Prioridade

As actividades organizadas polo Concello de Ponteceso terán prioridade absoluta na ocupación destes edificios.



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

Artigo 4º. Usuarios

Aos efectos deste Regulamento, considéranse persoas usuarias:

- a) As que de forma individual ou colectiva utilizan as instalacións municipais, así coma os/as acompañantes e espectadores.

Artigo 5º. Título habilitante

Para ter opción a usalas é necesario ter a correspondente autorización municipal. A autorización quedará supeditada ao uso solicitado axustándose ás condicións e aos horarios autorizados. O uso das instalacións durante un certo período non comporta ningún dereito adquirido.

Artigo 6º. Solicitud

A solicitude realizarase conforme ao formulario existente na sede electrónica deste concello ou nos departamentos correspondentes e que se achega no Anexo I deste regulamento. Esta solicitude comportará a aceptación da presente normativa, e non implica, en ningún caso a reserva anticipada da instalación.

A solicitude supón o pago da taxa regulada na Ordenanza Fiscal nº 19 reguladora da taxa por utilizar as instalacións deportivas e/ou culturais municipais e por prestar servizos deportivos, culturais e turísticos, publicada no BOP nº 193 do 9.10.2012, ou ordenanza fiscal vixente no seu momento.

Artigo 7º Dereitos dos usuarios

Son dereitos dos usuarios:

- a) Ter acceso a seguinte información sobre os servizos municipais:
 - 1.- a oferta de servizos e a súa forma de acceso
 - 2.- as instalacións e os equipos dispoñibles
 - 3.- Os horarios de prestacións do servizo.
 - 4.- A lista de taxas, prezos públicos ou tarifas vixentes.
 - 5.- A suspensión dos servizos ou calquera incidencia que se produza.
- b) Dispoñer de instalacións e equipamentos deportivos e culturais en boas condicións de uso e accesibles a persoas con algunha discapacidade.



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Ponteceso (A Coruña)

- c) Coñecer a identidade do persoal baixo cuxa responsabilidade se presta o servizo e ser atendidos con respecto e cortesía por parte do persoal que o presta.
- d) Recibir o servizo por persoal cualificado.
- e) Formular calquera suxerencia, reclamación ou queixa e ser contestado no prazo establecido.
- f) Exercer os dereitos de acceso, rectificación , cancelación e oposición respecto dos seus datos persoais, segundo o establecido na normativa de protección de datos de carácter persoal.
- g) Utilizar as instalacións nas condicións que garantan a protección da saúde e seguridade, conforme a normativa reguladora.
- h) Esixir o cumprimento deste Regulamento por medio dos empregados e responsables da xestión dos centros.
- i) A devolución da taxa, prezo público ou tarifa aboada, no caso de incumprimento dos servizos, nos supostos e termos previstos no seu acordo regulador. O Concello de Ponteceso resérvase o dereito de anular, por causas xustificadas, o uso autorizado. Neste caso, habería unha devolución das taxas ou un cambio de data a convir.

Artigo 8º. Deberes dos usuarios.

Son deberes dos usuarios das instalacións:

- a) Será responsable do uso da instalación a entidade/representante ou o/a particular que asine a solicitude.
- b) Para a comodidade de todos/as e para tratar de promover uns valores ambientais, o tempo de utilización da auga e da luz será o estritamente necesario.
- c) Os/as usuarios/as respectarán as normas sobre o uso axeitado do equipamento e do mobiliario das instalacións, deixándoas nas mesmas condicións que antes de ser usadas e velando pola súa limpeza e hixiene. O material empregado quedará recollido e colocado.

Artigo 9º. Prácticas prohibidas para os usuarios:

No interior das instalacións queda prohibido:

- a) impedir ou obstruír o normal funcionamento das instalacións municipais (verbal, accións e escrito)



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Ponteceso (A Coruña)

- b) Realizar calquera tipo de actos que ocasione danos ás instalacións deportivas municipais ou calquera dos seus elementos.
- c) Impedir o uso da instalación deportiva ou cultural ou calquera dos seus elementos a outros usuarios.
- d) Realizar calquera actividade económica lucrativa
- e) fumar, consumir substancias psicotrópicas e /ou alcol.
- f) Comer nos espazos non habilitados.
- g) Introducir frascos de cristal ou similares, que supoñan risco para calquera persoa que estea na instalación.
- h) O acceso a animais, agás os cans-guía ou os expresamente autorizados.
- i) Outras accións incívicas como: chuspir, tirar lixo, introducir petardos e materiais perigosos, prender fogo, etc.
- j) Patinar, xogar e/ou quentar con balóns ou outros obxectos na gradaría, vestiarios, baños, corredores e zonas comúns. En xeral, a realización de xogos, as prácticas perigosas e/ou todos aqueles actos que dificulten, obstaculicen ou impidan o transcorrer das actividades.
- k) Realizar reportaxe fotográficos ou de vídeo nos vestiarios e/ou aseos.
- l) Ceder ou prestar o dereito de uso dos espazos municipais con reserva a terceiras persoas ou entidades sen autorización expresa.

Artigo 10º. Orde e funcionamento do servizo

- a) O persoal da instalación será o responsable de facer cumprir as normas e poderá, se é o caso, expulsar do recinto a quen as incumpra.
- b) Unha vez obtida a autorización, o non uso reiterado do concedido ou a diminución significativa na participación, significará a anulación da autorización, previa escoita dos afectados.
- c) O Concello de Ponteceso non será responsable das lesións que poida sufrir o/a usuario/a salvo que deriven do mal estado da instalación ou dos bens adscritos a esta conforme á normativa xeral sobre responsabilidade das administracións públicas. Todo accidente que se produza nas instalacións será comunicado antes de abandonala.
- d) O Concello de Ponteceso non se fará responsable da desaparición de obxectos persoais dos usuarios/as dentro das instalacións. Os obxectos recollidos nos



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Ponteceso (A Coruña)

vestiarios ou en calquera outro recuncho da instalación serán custodiados polos empregados municipais, durante un prazo máximo de 15 días. Se nese prazo non son reclamados polo seu propietario/a, entregaranse a unha entidade benéfica.

Os obxectos de valor serán entregados á Policía Local.

TITULO II. DISPOSICIÓNS ESPECÍFICAS

Capítulo I. Escolas culturais e deportivas

Artigo 11º. Orde e funcionamento

- a) O/A menor deberá ser entregado ao monitor/a. No caso de suspensión da actividade ou de calquera outro imprevisto, avisarase con antelación na medida do posible.
- b) Os pais, nais, titores non poden estar presentes durante o transcurso das clases para un mellor funcionamento das mesmas.
- c) Puntualidade na entrega e recollida dos nenos/as.
Nas causas de forza maior onde o pai, nai ou titor cheguen tarde a recoller ó neno/a, este quedará a cargo do bedel da instalación.
- d) Os participantes serán recollidos polo pai, nai, titor ou quen estes autoricen. Poderán saír sos con autorización expresa (dos titores).
- e) Nas competicións deportivas, xornadas de exhibición, etc. o/a participante ten unha vestimenta específica polo que, de non querer levala e/ou mercala, non participará na competición ou exhibición, sen embargo poderá asistir ás clases.
- f) Nos adestramentos e nas competicións, cada neno/a levará a súa auga co seu nome.

Capítulo II. Reserva do uso dos pavillóns, da pista de pádel e do Edificio das Escolas

Artigo 12. Acceso

No uso libre dos pavillóns é necesario ter cumpridos os 14 anos, no caso de que alguén menor desta idade queira usar a instalación deberá facelo acompañado dunha persoa maior de idade, que será o/a responsable. A solicitude sempre a fará un adulto/a.



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

Artigo 13. Deberes dos usuarios

Vestir o calzado e a indumentaria axeitada á modalidade deportiva practicada e ao pavimento.

Artigo 14º. Orde no reparto de horarios

Á hora do reparto dos horarios terán preferencia:

- 1.A finalidade propia da instalación.
- 2.As entidades federadas inscritas no rexistro de asociacións municipais do Concello de Ponteceso.
3. As entidades non federadas inscritas no rexistro de asociacións municipais do Concello de Ponteceso.
4. Uso libre por parte de grupos non formais de persoas e particulares do Concello de Ponteceso.
5. As entidades federadas alleas o Concello de Ponteceso.
6. As entidades non federados alleas o Concello de Ponteceso.
7. Uso libre por parte de grupos non formais de persoas e particulares alleos o Concello de Ponteceso.

No caso de coincidencia de prioridades primará o número de entrada no rexistro municipal.

Artigo 15 . Seguro de responsabilidade civil

A organización de calquera actividade ou evento, así coma a prestación de servizos, estarán suxeitas á obrigatoria subscripción polo organizador/a ou prestador/a dos servizos dun contrato de seguro de responsabilidade civil polos danos que se lles poidan ocasionar ás persoas usuarias, aos participantes ou a calquera outra persoa como consecuencia da actividade desenvolva.

Este seguro de responsabilidade civil será presentado coa solicitude.

Título III. Réxime sancionador

Artigo 16. Normas xerais

Considéranse infraccións administrativas as accións e omisións tipificadas conforme a lei 39/2015, de 1 de outubro, de procedemento administrativo común e respectando o Título XI da Lei 7/85, de 2 de abril, reguladora de bases de réxime local.



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Pontevedra (A Coruña)

As infraccións clasifícanse en moi graves, graves e leves.

Artigo 17. Faltas moi graves

Consideraranse como faltas moi graves:

1. Agredir ao persoal das instalacións, adestrador/a, monitor/a ou a outros/as usuarios/as con dano físico.
2. Que se adopten aptitudes de acoso físico, moral ou sexual que poidan considerarse moi graves.
3. Provocar co seu comportamento a suspensión dalgunha actividade (pelexas, revoltas, falsas alarmas).
4. Quebrantadas sancións impostas.
5. Causar danos (pintar, rachar, raiar, etc...) nas instalacións ou en materiais intencionada ou imprudentemente con deterioro grave con custo de reparación superior aos 1501 €.
6. Roubar nas instalacións ou a calquera usuario/a.
7. Acceder ás instalacións, dependencias ou vestiarios sen permiso.
8. Incumprimento das normativas de seguridade.
9. Ser sancionado pola comisión de tres faltas graves nun período dun ano

Artigo 18 . Faltas Graves

Consideraranse como faltas graves:

1. Ameazar, coaccionar, ou realizar actos vexatorios de palabra ou de obra ao persoal, adestrador/a, monitor/a ou a outros/as usuarios/as das instalacións.
2. Insultar, ofender ou facer caso omiso das indicacións do persoal das instalacións, monitores/as, adestradores/as.
3. Agredir a algún/a usuario/a, cando dilo non resulte dano físico.
4. Causar danos sen intencionalidade nas instalacións ou nos materiais.
5. Emporcar intencionadamente as instalacións.
6. En xeral tódalas conductas que atenten de maneira grave á disciplina, ou boa orde, e ao respecto cos demais usuarios/as e o persoal.
7. Causar danos (pintar, rachar, raiar, etc...) nas instalacións ou materiais das instalacións intencionada ou imprudentemente con deterioro grave con custo de reparación entre os 601 e os 1500 €.
8. A reiteración ou reincidencia nas faltas leves.



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

Artigo 19. Faltas Leves

Consideraranse faltas leves:

1. Protestar as decisións do persoal das instalacións.
2. Adoptar unha actitude pasiva ou negligente no cumprimento das instrucións do persoal das instalacións, adestradores/as, monitores/as.
3. Dirixirse ao persoal das instalacións, adestradores/as, monitores/as ou outros/as usuarios/as con expresións de menosprezo, ou cometer actos de desconsideración cara eles tales como ameazas, coaccións, ofensas.
4. Xogar perigosamente ou realizar bromas imprudentes que poidan causar danos propios ou alleos.
5. A ausencia reiterada e sen xustificación nas actividades inscritas.
6. Causar danos (pintar, rachar, raiar, etc...) nas instalacións ou materiais das instalacións intencionada ou imprudentemente con deterioro leve con custo de reparación entre os 600 e 1 €.
7. Facer un uso incorrecto das instalacións e materiais das instalacións.
8. O/as usuarios/as que inducisen a outros/as á realización de actos ou conductas constitutivas de falta disciplinaria ou cooperen na súa execución, incorrerán na mesma responsabilidade que estes.
9. Tamén aqueles usuarios/as que encubran a outros/as de faltas consumadas, sendo a súa sanción menor que a da falta.

Artigo 20º. Sancións

Sancións disciplinarias.

1. As sancións teñen carácter educativo, preventivo e correctivo, e a súa imposición terá sempre como finalidade o manter o interese xeral e o prestixio das instalacións.
2. Pola razón das faltas as que se refire este Regulamento poderanse impor as seguintes sancións:
 - a) Suspensión da condición de usuario/a das instalacións de 1 a 5 anos.
 - b) Suspensión da condición de usuario/a das instalacións de 3 meses a 1 ano.
 - c) Suspensión da condición de usuario/a das instalacións de 7 días a 3 meses.
 - d) Apercibimento.
 - e) Reposición ou reparación dos danos causados.



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Pontevedra (A Coruña)

As sancións a) será imposta só por faltas moi graves. As sancións do apartado b) poderán imporse pola comisión de faltas graves. As faltas leves soamente poderán ser corrixidas coas sancións que se sinalan nos apartados c) e d). E por último a sanción e) poderase impor por calquera falta cometida.

Son causas eximentes o caso fortuíto e a forza maior.

Son circunstancias atenuantes:

- No ter sido sancionado en ningunha ocasión.
- Ha de ter precedido, inmediatamente á comisión da falta provocación suficiente.
- Ha de ter procedido o/a culpable, por arrepentimento espontáneo a reparar ou diminuír os efectos da falta, e a dar satisfacción ao/á ofendido/a ou a confesar aquela.

Son circunstancias agravantes:

- Ser reincidente. Existe reincidencia cando o/a autor/a da falta foi sancionado con anterioridade por outra de análoga natureza, ou outra castigada con igual ou maior sanción ou por dúas ou máis castigadas con sanción menor.
- As sancións de suspensión, afectan ás condicións pola que foron impostas e tamén para o uso de tódalas instalacións e servizos da mesma en calquera outra circunstancia.
- As sancións de reparación ou reposición, abonaranse ou solucionaranse dentro dos trinta días seguintes a notificación do fallo. No suposto dun usuario que pertenza a un club ou colectivo, será este o responsable subsidiario do mesmo, ou solidaria e mancomunadamente as persoas que realmente empregaron as instalacións ou servizos co sancionado.

Artigo 21 . Responsables

Serán responsables das infraccións quen as cometan.

Cando as actuacións constitutivas de infracción sexan cometidas por varias persoas conxuntamente, e non sexa posible determinar o grao de participación de cada unha, responderán todas de forma solidaria, conforme o establecido na lei de procedemento administrativo común.



concello@ponteceso.net

CONCELLO DE PONTECESO
R/ Concello, 18
15110 Ponteceso (A Coruña)

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

Artigo 22. Reposición e indemnización

Con independencia das sancións que poidan impoñerse por os feitos tipificados neste regulamento, o infractor estará obrigado á restitución e reposición dos bens ó seu estado anterior, con indemnización de danos e prexuízos causados.

Artigo 23. Procedemento.

A potestade sancionadora exercerase mediante o procedemento establecido na Lei 39/2015, de 1 de outubro, de procedemento administrativo común, correspondendo a imposición de sancións ao Concello de Ponteceso, a través dos órganos competentes conforme a lei 7/85, de 2 de abril, reguladora de bases de réxime local, sen prexuízo dos acordos de delegacións de competencias.

Artigo 24. Prescrición de infraccións e sancións.

1. As infraccións moi graves prescribirán aos tres anos, as graves aos dous anos e as leves aos seis meses.
2. As sancións impostas por faltas moi graves prescribirán aos tres anos, as graves aos dous anos e as leves ao ano.

DISPOSICIÓNS FINAIS

Primeira.- O Alcalde do Concello de Ponteceso ditará as instrucións precisas para a execución do presente Regulamento, sen prexuízo de delegación conforme o artigo 44 do RD 2586/1986

Segunda.- O presente regulamento entrará en vigor unha vez aprobado definitivamente polo Concello e publicado o texto íntegro e o acordo no Boletín Oficial da Provincia e teña transcorrido o prazo previsto no artigo 70.2 e 65.2 da Lei 7/1985, do 2 de abril, reguladora das bases de réxime local.



concello@ponteceso.net

Tel.: 981 71 40 00
Fax: 981 71 50 28
E-mail:

www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO
R/ Concello, 18
15110 Pontevedra (A Coruña)

Anexo I

SOLICITUDE DO USO DAS INSTALACIÓNS CULTURAIS E DEPORTIVAS

D/D^a: _____

Entidade: _____

DNI/CIF: _____ Teléfono: _____

Enderezo: _____

Correo electrónico: _____

SOLICITO

A instalación _____

para _____

o/os día/as _____ do mes/meses de _____

no horario de _____

Outras observacións: _____

Achego a seguinte documentación (requirida segundo o caso):

- Copia do CIF/DNI
- Seguro de responsabilidade civil
- Estatutos e acta fundacional no caso de entidades non rexistradas no Concello
- Xustificante de entidade federada
- Taxa correspondente

Pontevedra, _____ de _____ de 20__

(Sinatura)

SR. ALCALDE DO CONCELLO DE PONTECESO

Anexo II

PROTOCOLO PARA OS LOCAIS SOCIAIS MUNICIPAIS

Medidas xerais da Resolución do 12 de xuño de 2020, da Secretaría Xeral Técnica da Consellería de Sanidade, pola que se dá publicidade Ao Acordo do Consello da Xunta de Galicia, do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade (DOG 115, do 13 de xuño), e da resolución do 25 de xuño de 2020, da Secretaría Xeral Técnica da Consellería de Sanidade (publicada no DOG nº 126, do 27 de xuño de 2020), pola que se dá publicidade do Acordo do Consello da Xunta de Galicia do 25 de xuño de 2020, polo que se introducen determinadas modificacións nas medidas de prevención previstas no Acordo do 12 de xuño de 2020, sobre medidas de prevención necesarias para facer fronte á crise sanitaria ocasionada pola COVID-19, unha vez superada a fase III do Plan para a transición cara a unha nova normalidade.

Protocolo básico de actuación na apertura dos locais sociais municipais

O local abrirá ao público nas seguintes condicións:

- 1.-O uso desta instalación poderase facer a partir do venres 7 de xullo de 2020.
- 2.-O servizo que se ofrece, e tan só o propio do local (xuntanza, ensaio, actividade,...). É recomendable non usar o baño (en caso de ter que facelo, 1 persoa por cada 4 m² e un único urinario dispoñible).
- 3.-A apertura do local farase por parte da asociación que asinou a declaración de compromiso e recibiu as indicacións das medidas preventivas.
- 4.-O aforo non pode superar o 75% da súa capacidade. Os/as asistentes deberán permanecer preferiblemente sentados/as e con accesos e saídas graduais evitando aglomeracións (tránsito fluído).
- 5.-O uso da máscara é obrigatorio durante todo o tempo de permanencia nas instalacións sempre que non se poida gardar a distancia de seguridade de 1,5 metros.
- 6.-É obrigatorio a hixiene de mans á entrada do local dispoñible no acceso á instalación.
- 7.-Cada usuario/a deberá levar as súas ferramentas ou materiais de uso, na medida do posible (intransferibles).

8.-Débese respectar a sinalización e as indicacións que lle poidan dar os/as responsables das instalación ou os empregados/as municipais.

9.-A ventilación e desinfección do local levarase a cabo tódolos días (papeleiras, zonas comúns, pomos, baños, cadeiras, mesas,...). No caso de usar lixivia, a cantidade corresponde a cada litro de auga, 50 ml de lixivia.

10.-Os coros deberán mantela distancia de seguridade e usar máscara nos ensaios e nas actuacións, en caso de habelos. Co público manterán 3m de distancia.

11.-Prohibido organizar no local festas infantís e/ou actos onde se compartan bebidas, alimentos ou similares. Poderá suspenderse calquera actividade que, a xuízo da autoridade competente, poida supor un risco de contaxio.

12.-Abandonar a instalación ante calquera síntoma compatible co COVID-19.

DECLARACIÓN DE COMPROMISO

_____, como
representante da asociación _____

DECLARO

Que esta asociación coñece o protocolo de actuación e as medidas de prevención necesarias para facer fronte á crise sanitaria ocasionada polo COVID-19 co fin de camiñar firme “cara a transición á nova normalidade” e comprométese a aplicalo no local social municipal que rexenta.

Ponteceso, de de 2020

Asina

Recomendacións:

- Cautela e protección
- Preferencia das actividades ao aire libre e de pouca duración.
- Illamento e comunicación cos servizos de saúde no caso de síntomas (febre, tose e dificultade respiratoria, falta de olfacto...)
- Hixiene frecuente de mans
- Hixiene respiratoria (evitar tusir ao aire, tocar a cara, nariz e ollos)
- Uso de máscara no caso de non poder manter o distanciamento de seguridade, e nos espazos pechados e de moita xente preferentemente.
- Non aglomeracións
- Uso preferente das escaleiras e non dos ascensores.
- Na medida do posible non ter materias divulgativas expostos (revistas, xornais...)
- Permanecer o menos tempo posible no local
- Pór marcas identificadoras para a circulación no local se fose necesario (entrada e saída diferenciada, distancia de seguridade,...)